

SHARCI lr.14 ee 15 Jannayo 1973.

U-shaqeynta Dawladda oo lala xiriiriyeey qorista Afka Qaranka.

**GUDDOOMIYAH
GOLAHA SARE EE KACAANKA**

MARKUU ARKAY Xaashida Kowaad iyo tan Labaad ee Kacaanka 21 Oktoobar 1969;
MARKUU TIXGELIYEY wada ansixinta Golaha Sare ee Kacaanka iyo Golaha
Xoghayayaasha Dawladda;

WUXUU SAXIIIXAYAA

Sharciga soo socda:

Qod. 1

Marka laga tago shuruudaha uu dejiyey sharcigu, aqoonta Afka Qaranka Soomaaliyeed (qoraal iyo ku-hadal) ayaa shardi lama dhaafaana u ah u-shaqeynta dawladda.

Qod. 2

Laga bilaabo 21 Oktoobar 1972 taariikha ku dhawaaqidda rasmiga ah ee Afka Qaranka, waxaa la qabanayaa labo imtixaan:

- 1) — Imtixaanka hore waxaa la qabanayaa dhammaadka saddexda bilood oo ugu horreysa oo ka bilaabda maalinta lagu dhawaaqay qorista Afka Qaranka.
- 2) — Imtixaanka labaad waxaa la qabanayaa dhammaadka lix bilood oo ka bilaabata taariikhda ku-dhawaaqidda Taariikhiga ah, waxaana loo qabanayaa dadka aan ka gudbin imtixaanka kowaad ee ku xusan lr. 1 ee qodobkan.

Qod. 3

Dadka loo qaato in ay dhecean, ee aan ka gudbin imtixaannada la soo rogay, waxa ay joojinayaan oo goáya xiriir kastoo shaqo, oo ay la leeyihiiin dawladda, laga bilaabo 21 Abriile 1973.

Dadkaas waxaa kaliya oo ay leeyihiiin lacagta xaqa ee dhammaadka xiriirkha shaqo oo ay sharciyada dhigayaan.

Qod. 4

Shaqo dawladeed waxaa loo la jeedaa: shaqaalahaa Dawladda, wakaaladaha, Dawladaha Hoose ee gobollada ama degmooyinka oo rayid iyo miltariba leh.

Qod. 5

Sharcigan waxa uu dhaqangelaya dhaqso, waxaana lagu shaacinaya Faafinta Rasmiga, Muqdisho, 15 Jannaayo 1973.

**GUDDOOMIYAH
GOLAHA SARE EE KACAANKA
S/Gaas Maxamed Siyaad Barre**